

LIBRARY  
CENTRAL

CONTROVERSIARUM

DE CONCILIIS

LIBER TERTIUS

QUI EST DE ECCLESIA MILITANTE TOTO ORBE TERRARUM DIFFUSA.

CAPUT I.

*De nomine Ecclesie.*

Controversia de Ecclesia militante, multis habet partes. Primum enim de ipsa secundum se agendum erit; tum de membris ejus, hoc est, de Clericis, de Monachis, de Laicis. Rursum autem de Ecclesia militante secundum se considerata, de qua nunc disputare aggredimur, tres sunt precipuae controversiae. Prima est, de nomine et definitione Ecclesie. Secunda, de qualitate, seu de visibilitate ejusdem. Tertia, de notis, quibus ea certo cognosci potest.

A prima nunc exordiemur; si tamen ante propter studiosos nomina eorum auctiorum notaverimus, qui de Ecclesia scripserunt, seu potius eorum quorum nos libros legimus; nec enim omnes legimus. Igitur scripserunt de hoc argumento B. Augustin. lib. de unitate Ecclesie; B. Cyprianus liber ejusdem tituli, neconon Optatus lib. VI. contra Parmenianum. Ex recentioribus scripsit Thomas Waldensis tom. I, lib. II. doctrinae fidei cap. 8, 9, 10, etc. Joan. de Tarcremata summa de Ecclesia; Joannes Driedo in lib. IV de dogmatibus Ecclesiasticis, c. 2. Albertus Pighius controversia III. Cardinalis Hosius in confessione, in explicatione Symboli, et lib. V. contra Prolegomena Brentii; Petrus a Soto 1. part. defensio-

nis suae contra Brentium; Joannes a Daventria in confut. 7. artic. Confessionis Augustanae; Joannes Cochlaeus Philippica 4. et in lib. de Scriptura et Ecclesie auctoritate: Joannes Eckius initio sui Enchiridii, Alphonsus a Castro lib. VI. cont. haeres. Melchior Canus lib. IV de locis. Joannes Antonius Delphinus in libris trib. de Ecclesia. Joannes a Lovanio in explicat. Symboli, et omnes alii, qui Symbolum exposuerunt. Franciscus Turrianus in libris duobus de Ecclesia, et ordinat. Minist. Post quos, anno 1577 ineunte, nos haec ipsa, que nun emittimus in lucem in scholis disputavimus. A quo tempore scriptis etiam de eodem arguento Gregorius de Valencia in sua Analyse fidei Catholice part. VI et scripserunt etiam alii, sed non vacavit per alias occupationes eorum libros evolvere.

Venio nunc ad propositam disputationem: Ac ut primum de nomine, deinde de re ipsa dicamus, Ecclesia nomen est Graecum, deduciturque a verbo *ιερός*, quod est evoco. Itaque Ecclesia est evocatio, sive coetus vocatorum. Dicitur autem populus Dei coetus vocatorum, quia nemo ad hunc populum se adjungit per se, et suo proprio instinctu, sed omnes quotquot veniunt, a Dei vocatione preventiuntur. Est enim vocatio primum beneficium, quod sancti a Deo recipiunt: *Quos vocarit*, inquit Apostolus Rom. VIII, *hos justificavit: quos justificavit, hos et magnificavit.* Et Acto. II: *Quoscumque advocaverit Dominus Deus noster* (1). Hinc toties Apostolus Christianos appellat vocatos, in omnibus ferre epistolis.

(1) Rom. VIII, 30; Act. II, 39.

Sunt autem tria circa hoc nomen notanda. Primo, nomen Ecclesie cum aliquo adjuncto, posse et in bonam et in malam partem accipi: dicitur enim: *Ecclesia malignan- tium Psalm. XXV.* Et, *Ecclesia Sanctorum Psalm. LXXXVIII.* Absoluta autem positum hoc nomen, non intelligi nisi de Ecclesia Christi, excepto uno loco Act. XIX, ubi de populo Ethniorum dicitur: *Erat enim Ecclesia confusa* (1).

Secondo, nota cum Augustino in Psalm. LXXXI in illus: *Deus stetit in Synagoga Deorum* (2): tametsi eadem sit Ecclesia veteris Testamenti et novi, quod essentiam; tamen quia status Ecclesie novi Testamenti est longe excellentior, ideo etiam nomina esse distincta. Nam populus veteris Testamenti proprie dicitur Synagoga, id est, congregatio, populus novi Testamenti nusquam dicitur Synagoga, sed semper Ecclesia, id est, evocatio. Congregarienim commune est hominibus cum bestiis: at evocari proprium est hominum. Neque refert, quod populus Iudaeorum in Testamento veteri passim vocatur etiam Ecclesia: nam tam Synagoga, quam Ecclesia apud Hebreos dicitur a congregando, ἥτις quod virtutis Synagoga, dicitur a ἥτις congregare. Similiter ἥτις, id est, Ecclesia, dicitur a ἥτις congregari. Itaque sunt nomina duo, sed idem prorsus significant.

Tertio nota, quemadmodum civitas nunc significat ceterum hominem, nunc locum, in quo ceterus ille habitat, ita etiam Ecclesiam in Scripturis nunc significare ceterum fideliū, ut Rom. XVI: *Salutant vos omnes Ecclesie Asiae*, nunc locum ipsum, in quo fideles congregantur, ut Judith VI: *Omnis populus per totam noctem intra Ecclesiam oraverunt* (3), quamquam nos nunc solum de Ecclesia, ut ceterum fideliū significat, disputamus.

## CAPUT II.

### *De definitiōne Ecclesie.*

Hæc de nomine. De re autem ipsa quinque sunt hæreticæ sententiæ. Prima, quod Ec-

(1) Psal. XV, 5; lib. LXXXVIII, 6; Act. XIX, 32. — (2) Psal. LXXXI, 1. — (3) Rom. XVI, 16; Judith. VI, 21.

clesia sit prædestinatorum congregatio, ita ut soli, et omnes prædestinati sint de Ecclesia. Ita Joannes Wicel apud Waldensem to. 1, lib. II, cap. 8 et 9. Joannes Huss art. 1, 2, 3, 5, 6, ut habetur in Concilio Constantiensi sess. XV, e quibus sic habetur artic. 3: «Præscitus etsi aliquando sit in gratia secundum præsentem justitiam, tamen numquam est pars sanctæ Ecclesie, et prædestinatus semper manet membrum Ecclesie, licet aliquando excedat a gratia ad ventitia, sed non a gratia prædestinationis.»

Secunda, quod Ecclesia sit hominum perfectorum nullum peccatum habentium multitudine. Ita quondam Pelagiani, ut B. Augustinus refert lib. de heres. cap. 88: «In idem, inquit, progreduntur, ut dicant, vi tam justorum in hoc saeculo nullum omnino habere peccatum, et ex his Ecclesias Christi in hac mortalitate perfici.» Eamdem tribuit Anabaptistis hujus temporis Calvinus lib. IV Inst. cap. 4, §. 13.

Tertia, quod Ecclesia sit justorum congregatio, seu potius eorum, qui numquam lapsi sunt circa fideli confessionem. Distinguitur autem haec a superiori, quod prior opinio quilibet peccatores excludat, haec autem non excludit, nisi insignes peccatores. Ita senserunt olim Novatianis, ut auctor est Cyprian. lib. IV, epist. 2. et Donatistæ apud Augustinum lib. de heres. cap. 69. existimo enim falli Calvinum, ubi supra et alios, qui putant, Novatianos et Donatistas exclusisse omne genus peccatorum. Clare enim Cyprian. lib. IV, epist. 2. et Epiphanius in heres. Catharorum, dicunt, eos retinuisse in Ecclesia fraudatores, mochos, et similes: solumque exclusisse eos, qui in persecutione lapsi fuerant. Neque cum hoc pugnare videatur, quod habent Ambrosius lib. I de penit. cap. 1. et 2. et Theodor. lib. III de fabul. hæret. Novatianos sustulisse potestatem remittendi peccata omnia, exceptis levissimis. Nam etiam si non absolvabant graves peccatores, tamen in suo cœtu eos retinebant, nisi lapsi essent circa fidem. Et Augustinus lib. III cont. Parmenian. cap. 2. docet, Donatistas non horruisse omnia, sed solum quedam majora soeleria, quale erat illud, quod objiciebant Catholicis, consensisse traditoribus divinorum librorum.

Quarta est Confessionistarum, qui etsi no-

mine damnent Pelagianos, Novatianos et Donatistas, tamen eorum sententia composta est ex hæresi Pelagianorum, et Novatianorum et Donatistarum. Docent enim primo cum Pelagianis non solum Confessionista, sed omnes Lutherani et Calvinistæ, nullum esse peccatum veniale ex natura sua, sed omnia esse mortalia ex se, venialia autem ex misericordia Dei, qui ea credentibus non imputat. Ita docuit Lutheranus in assert. art. 32. Melanchthon in locis cap. de discrimine peccati mortalis et venialis. Calvinus lib. II Inst. cap. 8, §. 58 et 59.

Secundo, docet Confessio Augustana art. 7. Ecclesiam esse Sanctorum congregationem, qui vere credunt et obediunt Deo. Et in Apologia Philippus conatur ostendere, peccatores non pertinere ad Ecclesiam, nisi nomine. Similia docet Brentius in Prolegomenis, contra Petrum a Soto. Neque obstat, quod et Philippus et Brentius ibidem dicunt, malos esse admixtos bonis; nam ipsi duas Ecclesias fingunt. Unam veram, et ad quam pertinent privilegia, quæ narrantur in Scripturis, et hanc esse Sanctorum congregationem, qui vere credunt, et obediunt Deo, et hanc non esse visibilem, nisi oculis fidei. Alteram externam, que nomine tantum est Ecclesia, et hanc esse congregationem hominum convenientium in doctrina fidei, et usu Sacramentorum, et in hac bonos et malos inveniunt. Itaque malos nunquam volunt esse partes vera Ecclesia, et proinde cante Philippus non dicit, Ecclesiam constare ex malis et bonis, sed dicit, malos admissi Ecclesia. Et Brentius dicit, malos esse aliquo modo in Ecclesia, sed non de Ecclesia.

Lutherus in lib. de Conciliis et Ecclesia, part. III dicit, Ecclesiam esse populum sanctum Christianum, et, ut ostendat se loqui de sanctitate singulorum membrorum, inde probat, Papam et Cardinales non esse de Ecclesia, quia sancti non sunt. Si ergo soli justi sunt partes vera Ecclesia et omnia peccata, quantumvis levia sunt, peccata mortalia, et faciunt hominem inustum; sequitur solos perfectos et omni peccato carantes, esse de Ecclesia, que erat opinio Pelagianorum.

Tertio, dicunt Confessioniste, in quo etiam cum omnibus Lutheranis convenient, omnia opera hominis, etiam justificati, esse peccata mortalia. Id indicat Confessio Augustana art. 6 et 20. sed clarius Lutherus in as-

sert. artic. 32. ex quo videtur sequi, nullum hominem esse de Ecclesia. Nam si soli justi sunt de Ecclesia, et nulli sunt omnino in mundo justi, quippe cum omnium hominum opera sint peccata; quinam, quæso, Ecclesiam facient? Sed ipsi rem totam facile explicant, dum dicunt, opera quidem hominis justi omnia esse peccata mortalia, sed tamen non imputari, si adsit fides, et proinde eum, qui habet fidem, simul esse justissimum, et in omni opere peccare. In quo aliquo modo convenient Confessionista cum Donatistis et Novatianis. Ut enim illi non excludebant ab Ecclesia omnes peccatores, sed tantum eos, qui idolatriam commiserant; ita isti non omnes peccatores excludunt, sed tantum eos, qui non vere credunt: putant enim, ut diximus, nullum crimen imputari credentibus.

Quinta sententia est quasi conflata ex omnibus istis. Docet enim, Ecclesiam constare ex soli justi prædestinatis. Ita Calvinus, qui tria docet. Primo, fidem semel habitam, numquam in eternum perdi posse, et proinde omnem, qui habet fidem, necessario esse prædestinatum. Id habet in Inst. lib. III, c. 2, §. 8, 9, 10, 11, quod idem antea expresse docuerat Jovinianus apud Hieronymum lib. II contra Jovinianum. Secundo docet, veram Ecclesiam a solo Deo cognosci posse, ejusque fundamentum esse divinam electionem, quia niimirum constat ex fideliibus, qui necessario sunt de numero electorum. Id habet lib. IV, cap. 1, §. 3. et in minori Institutione cap. 8, §. 4. et seq. Tertio docet, esse præterea quamdam Ecclesiam externam, in qua sunt boni et mali et. ut supra dixerunt Confessionista. Id habet eodem libro et capite, in sequentibus sectionibus. Idem etiam sentire videtur Bucerus, qui in lib. I de regno Christi c. 5. definit regnum Christi, procurationem salutis electorum Dei, quos Deus in terris colligit. Idem Tilmanus Heshusius lib. de erroribus Pontificiorum, loco 12. et lib. I. de Ecclesia cap. 3.

Nostra autem sententia est, Ecclesiam unam tantum esse, non duas, et illam unam et veram esse ceterum hominum ejusdem Christianæ fidei professione, et eorumdem Sacramentorum communione colligatum, sub regime legitimorum pastorum, ac præcepie unius Christi in terra Vicaria Romani Pontificis. Ex qua definitione facile colligi potest, qui homines ad Ecclesiam perti-

neant, qui vero ad eam non pertineant. Tres enim sunt partes hujus definitionis. Professio vera fidei, Sacramentorum communio, et subiectio ad legitimum pastorem Romanum Pontificem. Ratione primae partis excluduntur omnes infideles tam qui nunquam fuerunt in Ecclesia, ut Iudei, Turcae, Paganis; tam qui fuerunt, et recesserunt, ut haeretici et apostatae. Ratione secunda, excluduntur Catechumeni et excommunicati, quoniam illi non sunt admissi ad Sacramentorum communionem, isti sunt dimissi. Ratione tertiae, excluduntur schismatici, qui habent fidem et Sacramenta, sed non subduntur legitimo pastori, et ideo foris profiterunt fidem, et Sacraenta peripiount. Excluduntur autem omnes alii, etiam si reprobis, scelesti et impii sint.

Atque hoc interest inter sententiam nostram, et alias omnes, quod omnes alii requirunt internas virtutes ad constituendum aliquem in Ecclesia, et propterea Ecclesiam veram invisibilis faciunt; nos autem, et credimus in Ecclesia inveniri omnes virtutes, Fidem, Spem, Charitatem, et ceteras; tamen ut aliquis aliquo modo dici possit pars vera Ecclesiae, de qua Scriptura loquuntur, non putamus requiri ullam internam virtutem, sed tantum externam professionem fidei, et Sacramentorum communionem, quae sensu ipso percipiatur. Ecclesia enim est ecclesia hominum ita visibilis, et palpabilis, ut est cœlus populi Romani, vel Regnum Gallie, aut Republica Venetorum.

Nostrandum autem est ex Augustino in breviculo collationis, collat. 3. Ecclesiam esse corpus vivum, in quo est anima et corpus, et quidem anima sunt interna dona Spiritus sancti, Fides, Spes, Charitas etc. Corpora sunt externa professio fidei, et communicatione Sacramentorum. Ex quo sit, ut quidam sint de anima et de corpore Ecclesiae, et prouinde uniti Christo capiti interiori, et exteriori; et tales sunt perfectissime de Ecclesia; sunt enim quasi membra viva in corpore, quamvis etiam inter istos aliqui magis, aliqui minus vitam participant, et aliqui etiam solum initium vita habeant, et quasi sensum, sed non motum, ut qui habent solam fidem sine charitate. Rursum aliquis sint de anima, et non de corpore, ut Catechumeni, vel excommunicati, si fidem et charitatem habeant, quod fieri potest. Denique,

aliqui sint de corpore, et non de anima, ut qui nullam habent internam virtutem, et tamen spe, aut timore aliquo temporali profitentur fidem, et in Sacramentis communicant sub regime pastorum et tales sunt sicut capilli, aut ungues, aut mali humores in corpore humano.

Definitio igitur nostra solum comprehendit hunc ultimum modum existendi in Ecclesia, quia hic requiritur ut minimum; ut quis possit dici esse pars visibilis Ecclesiae. Probandum igitur est ordine, non pertinere ad Ecclesiam non baptizatos, haereticos, et apostatas, excommunicatos, et schismaticos. Deinde pertinere ad Ecclesiam non praedestinatos, non perfectos, peccatores etiam manifestos, infideles occultos, si habeant Sacraenta, professionem fidei, et subiectio-

### CAPUT III.

#### *De non baptizatis.*

De infidelibus non baptizatis sine dubio Paulus loquitur I. Cor. V : *Quid enim mihi de iis, qui foris sunt, judicare (1)?* Ubi generaliter eos omnes foris esse dicit, qui non dederunt nomina sua Christo per Baptismum, sed aliquas alias religiones sequuntur.

De Catechumenis est paulo major difficultas, quia sunt fideles, et salvari possunt, si moriantur in eo statu, et tamen extra Ecclesiam nemo salvatur, sicut nec extra arcum Noe, iuxta illud Concilii Lateranensis c. 1. : « Una est fidelium universalis Ecclesia, extra quam nullus omnino salvatur. » At nihilominus certum est, Catechumenos non esse in Ecclesia actu et proprie, sed tantum in potentia, quomodo homo conceptus, sed nondum formatus, et natus, non dicitur homo, nisi in potentia. Nam legimus Actor. II : *Qui ergo receperunt verbum, baptizati sunt, et appositi sunt in die illa anima circiter tria milia (2).* Item Concilium Florentinum in instructione Armenorum, docet, homines fieri membrorum Christi, ac de corpore Ecclesiae, cum baptizantur. Idem et Patres docent.

Gregorius Nazianzenus oratione in sanc-

(1) I. Cor. V, 12. — (2) Act. II, 41.

tum Lavaerum dicit, Catechumenum esse in vestibulo pietatis, nec adhuc posse vocari fidelem, nisi intus ingrediarur per Baptismum. Joannes Chrysostomus hom. 24. in Joann. dicit Catechumenum alienum esse a fidelis, et nihil habere commune cum eo, non civitatem, non mensam etc. Tertullian. lib. de præscriptionibus, reprehendit in hereticis, quod non distinguant Catechumenos a fidelibus. Cyrill. lib. XII in Joann. cap. 30. docet, Catechumenos esse apud Christianos id, quod erant incircumcis apud Judæos, qui propterea non poterant vesci agno Paschalali. Augustinus tract. 4. in Joan. et alibi distinguit Catechumenos a fidelibus. Quod etiam alii Patres faciunt. Constat autem Ecclesiam esse fidelium congregationem.

Denique, Catechumeni non habent jus ad ultra Sacraenta, neque ad alia, quae sunt communia universa Ecclesia. Non igitur actu, et propriis sunt Catechumeni de Ecclesia. Quomodo igitur, inquiet, salvatur, si sunt extra Ecclesiam? Auctor libri de Ecclesiastico dogmatibus cap. 74. aperte respondet, Catechumenos non salvari. Sed hoc nimis durum esse videtur. Certe Ambrosius in oratione de obitu Valentiniiani disertis verbis affirmit, Catechumenos posse salvari, de quorum numero Valentinianus erat, cum de his vita migraret.

Alia igitur querenda solutio est. Melchior Canus ait, Catechumenos posse salvari, quia etsi non sunt de Ecclesia, quae proprie dicitur Christiana, sunt tamen de Ecclesia, quae comprehendit omnes fideles ab Abel usque ad mundum consummationem. At non videtur satisfacere. Nam post Christi adventum nulla est vera Ecclesia, nisi illa quae proprie dicitur Christiana; si ergo Catechumeni de ista non sunt, de nulla sunt. Respondeo igitur, quod dicitur, extra Ecclesiam neminem salvare, intelligi debere de iis, qui neque res ipsa, neq; desiderio sunt de Ecclesia, sicut de Baptismi communiter loquuntur Theologi. Quoniam autem Catechumeni si non re, saltem voto sunt in Ecclesia, ideo salvare possunt. Neque repugnat similitudo arcæ Noe, extra quam nemo salvabatur, etiam si votum in ea fuisset: nam similitudines non in omnibus convenient. Quocirca I. Pet. III, Baptismus comparatur Arcæ Noe, et tamen constat, sine Baptismo in re, aliquos salvari.

Ar, inquiet, August. tract. 4. in Joan. di-

(1) Tit. III, 10. — (2) I. Joan. II, 19.

cit, Catechumenos esse in Ecclesia; Verum est, sed ibidem separat eos a fidelibus. Voluit ergo dicere, esse in Ecclesia non actu, sed potentia, quod idem ipse explicit in initio lib. II de Symbolo, ubi comparat Catechumenos hominibus conceptis, non natis.

### CAPUT IV.

#### *De Haereticis et Apostatis.*

Haereticos et apostatas baptizatos, Alphon-sus de Castro lib. II de justa haereticorum punitione cap. 24. docet esse membra et partes Ecclesiae, etiam si palpa falsam doctrinam profitantur. Quae sententia, ut est aperte falsa, ita facilime refutari potest. Nam primo, Scriptura hoc indicat, cum ait I. Timoth. I. *Quidam circa fidem naufragaverunt.* Quo loco per metaphoram naufragij, intelligit haereticos fracta una parte navis Ecclesiae, ex ea in mare decidisse: Quod etiam significatur illa parabola Domini de rete, quod præ multitudo scindebatur, Luc. V. Præterea ad Tit. III: *Haereticum hominem post unam et alteram correptionem de vita, sciens, quia subversus est qui ejusmodi est, et delinqvit cum sit proprio iudicio condemnatus (1).* Ubi Apostolus Episcopo præcepit, ut haereticum vitet, quod certe non iuberet, si esset intra Ecclesiam. Debet enim pastor non vitare, sed curare eos, qui ad suum gregem pertinent. Et addit rationem, quia talis pertinax haereticus est, proprio iudicio condemnatus, id est (ut Hieronymus exponit) non est electus ab Ecclesia per excommunicationem, ut multi alii peccatores, sed ipse seipsum ab Ecclesia ejecit. Item I. Joan. II: *Ex nobis exierunt, sed non erant ex nobis (2);* id est, ex nobis exierunt, quia erant nobiscum in eadem Ecclesia, sed non erant ex nobis, secundum divinam electionem, ut Augustinus exponit lib. de bono persever. cap. 8.

Secundo, probatur hoc idem ex cap. 8 et 49. Concilii Nicenæ, ubi haeretici dicuntur posse recipi in Ecclesiam, si redire velint, cum certis lamen conditionibus. Item ex Concilio Laëtanensi, unde constat. cap.

Firmiter, de summa Trinitate, et fide Catholica, ubi Ecclesia dicitur fidelium congregatio. Constat enim hereticos nullo modo esse fidèles.

Tertio, ex Patribus, Irenaeus lib. III, cap. 3, dicit, Polycarpum multos hereticos ad Ecclesiam convertisse : ex quo sequitur, eos antea fuisse de Ecclesia egressos. Tertullianus lib. de præscriptione dicit, Marcionem cum ad Ecclesiam redire vellet, conditionem accepisse, ut exterios, quos perverterat, Ecclesie restituere. Cyprianus in epistola ad Jubajanum, dicit, hereticos cum sint extra Ecclesiam, tamen vindicare sibi Ecclesie auctoritatem more simiarum, quæ cum homines non sint, tamen homines videri volunt.

Hieronymus in Dialogo contra Luciferianos, circa finem : « Sicubi audieris, inquit, eos qui dicuntur Christi, non a Domino Iesu Christo, sed a quoquam alio nuncupari, ut puta Marcionitas, Valentiniianos, Montenses, sive Campenses, scito non Ecclesiam Christi, sed Antichristi esse Synagogam. » Augustinus lib. IV contra Donatistas, cap. 10, dicit, interduum accidere, ut hereticus, foris existens, non agat contra Ecclesiam, et Catholicus intus existens, contra Ecclesiam agat, etc. Et lib. de unitate Ecclesiae, cap. 4 : « Qui non credunt, inquit, Christum in carne venisse de Virgine Maria, ex semine David, aut in corpore ipso resurrexisse, in quo crucifixus et sepultus est, non utique sunt in Ecclesia etc. »

Accedit postremo, quod cum Ecclesia sit multitudo unita (est enim populus quidam, sive regnum, sive corpus unum) et ista unio præcipue in professione unius fidei, et earundem legum ac rituum observatione consistat; nulla ratio permittit, ut eos de Ecclesia corpore esse dicamus, qui cum eo non lumen omnino coniunctionem habent.

At contra objiciunt aliqui. Primo, quia Matth. XIII in parabola de zizaniis, in eodem agro inveniuntur tria, granum, palea, et zizania, que significant bonos Catholicos, et malos Catholicos et hereticos, ut Augustinus exponit quest. 41. super Mattheum, et Hieronymus et Chrysostomus in hunc locum. Quod autem ager sit Ecclesia, docet Cyprianus lib. III, epist. 3. et Augustinus lib. II contra Cresconium, cap. 34.

Respondeo, aliqui intelligunt per zizania

non hereticos, sed homines malos, qui sunt in Ecclesia : ita Cyprianus loco notato, et lib. IV, epistol. 2. et Augustinus saepè, non tam ex sua sententia quam ex Cypriani mente loquens. Quod autem Cyprianus per zizania non intelligat hereticos, inde intelligi potest, quod in illis ipsis locis, ubi dicit zizania esse in Ecclesia, dicit, hereticos non esse in Ecclesia, et præterea ex intentione Cypriani, qui in illis locis scribit contra Novatianos, qui nolabant admittere lapsos penitentes in Ecclesiam, metuentes, ne communicarent peccatum aliorum : quibus Cyprianus ostendit ex parabola Domini, in Ecclesia non solum esse homines fortes, sed etiam imbecilles, qui aliquando labuntur, sicut in agro simul cum frumento sunt etiam zizania.

At licet haec exppositio non sit contemporanda, neque nobis contraria, melius tamen responderetur cum Augustinus quest. 41. super Mattheum, per agrum non significari Ecclesiam, sed mundum universum. Dominus enim exponens parabolam ait, ager est mundus. Porro nomine zizaniorum, eti recte intelliguntur heretici, tamen forte magis ad litteram intelligenter omnes malos in genere, sive sint heretici, sive non. Scopus enim parabolæ, est ostendere semper in mundo futuros aliquos malos, nec posse illa humana diligentia mundum purgari ante diem judicii. Unde Dominus ait, zizania esse filios nequam, et illos omnes, qui tandem in ignem aeternum dejiciuntur.

Secundo, objiciunt illud II. Timot. II : *In magna domo sunt vasa aurea, et argentea, et lignea, et fictilia.* Ubi nomine domus videtur Paulus intelligere Ecclesiam, et nomine vasorum ligneorum et fictilium hereticos. Dixerat enim paulo ante : *Quorum sermo, ut cancer serpit, ex quibus est Hymenaeus et Philetus, qui a veritate exciderunt* (1). Nomine autem domus intelligi Ecclesiam, docet Cyprianus lib. III, epist. 3. et lib. IV, epist. 2. et Ambrosius in commentario hujus loci, et Augustinus lib. II de Baptismo, cap. 12.

Respondeo, varias hic esset veterum expositiones. Una est Graecorum, Chrysostomi, et Theophilacti, qui nomine domus non intelligunt Ecclesiam, sed mundum, sicut diximus de agro, in quo sunt zizania. Altera est Latinorum, Cypriani, Ambrosii, Augustini, qui nomine domus intelligent Eccle-

siam ; et licet Augustinus et Ambrosius per vasa lignea et fictilia velint significari hereticos ; tamen Augustinus idem explicat lib. III de Baptismo, c. 19. quomodo sit intelligendum, eos esse in Ecclesia, ubi dicit, eos esse in Ecclesia antequam per obstinationem et perfidiam separantur, et ad hoc tempus respxisse Apostolum ; ita ut non tam heretici, quam errantes dicantur esse in Ecclesia. Addit etiam, posse dici, eos esse in Ecclesia, postquam exierunt, propter Sacramentorum administrationem, quia etiam ipsi quædam Sacraenta vere administrant : quod est dicere, eos esse in Ecclesia secundum aliquid, non simpliciter. Ambrosius autem accipit Ecclesiam largo modo, et magis vulgari, quam proprio, prout videlicet eos omnes complicitur, qui quovis modo nominantur Christiani. Ad quem modum Pagani dicere solent, in coetu Christianorum multas esse dissidentes opiniones ac sectas.

At secundum Cyprianum (cujus expositionem veriore puto) per vasa lignea et fictilia non intelliguntur heretici, sed infirmi fideles, ac debiles, qui facile seducuntur. Quod enim ait Apostolus : in magna domo sunt vasa aurea etc. non referatur ad illud, quorum sermo, ut cancer serpit, ex quibus sunt Hymenaeus et Philetus ; qui a veritate exciderunt, sed ad illud : Et subverterunt quorundam fidem. Vult enim Apostolus dicere, quod si illi quosdam subverterunt, non propterea periculum est, ne omnes subvertantur. Nam in Ecclesia sunt fortes, et sunt debiles, etc.

Sed, inquit, Augustinus, qui intelligit per vasa lignea et fictilia hereticos, dicit, se permotum ad hoc sentendum ex verbis Cypriani in epistola ad Antonianum, que est secunda lib. IV. Respondeo, Augustinum existimavisse a Cypriano referri illa verba Apostoli : *In magna domo sunt vasa aurea etc.* ad illa *Quorum sermo, ut cancer serpit,* sicut ipse referebat. Ceterum Cypriani verba nihil tale sonant ; et sane Cyprianum non voluisse dicere, hereticos esse in Ecclesia, patet ex eadem epistola, ubi aperte dicit, Novatianum, quia hereticus est, extra Ecclesiam esse.

Argumentum tertium, hereticos Ecclesia judicare et punire potest, igitur sunt intus : *Nam quid mihi est*, inquit, Paulus, I. Corint.

V, de iis, qui foris sunt, judicare ? Præterea heretici retinent characterem Baptismi, et sacerdotii, igitur sunt Christiani, et Sacerdotes.

Respondeo, hereticos, licet non sint de Ecclesia, tamen debere esse, et prouide ad eum pertinere, ut oves ad ovile, unde fugient. Sicut solet dici, ista ovis est illius ovilis, quando tamen vagatur extra ovile. Post autem Ecclesia judicare de iis, qui re ipsa intus sunt, vel certe esse debent, sicut pastor revera potest ovem, que extra ovile errat per montes, cogere iterum ad ovile : et Imperator potest desertorem militare, qui transfigit ad castra hostium, vi cogere ad sua castra, aut etiam suspendere. Apostolus autem loquitur de iis, qui ita foris sunt, ut nunquam fuerint intus.

Ad illud de charactere dico, hereticos retinere extra Ecclesiam characteres illos indelibiles, sicut retinenti oves perdita characteris signo militaria : sed non propterea sunt de Ecclesia, quia non sufficiunt characteres illi ad constitendum aliquem in Ecclesia ; aliqui etiam in inferno esset Ecclesia. Et tamen S. Thom. 3. part. quest. VIII, art. 3. dicit, damnatos nec acti, nec potentia esse membra Christi. Præterea, non proprie unit character hominem cum capite, sed est signum potestatis et unionis ejusdem, et ideo in inferno, illo signo cognoscuntur, qui fuerint membra Christi. Quid autem non unit, patet ; nam non unit exterior, cum sit res invisibilis : nec interior, cum non sit actus, nec habitus operativus. Unde B. Thomas primam unionem internam ponit in fide.

De Schismaticis nonnulli Catholicorum dubitant, an sint de Ecclesia : imo esse eos de Ecclesia affirmat Alphonsus de Castro loco notato. Sed facile est contrarium ex sacris litteris, et Patrum traditione docere. Nam in primis cum dicitur Luc. V scindebatur autem rete, per scissionem retis, et

(1) II. Timoth. II, 20 et 17.

(1) I. Cor. V, 12.  
TOM. II.

egressionem piscium ex rete intelliguntur schismata Ecclesie et egressio hereticorum et schismaticorum de Ecclesia, ut exponit Augustinus tract. 122, in Joannem.

Præterea Scriptura vocal Ecclesiam : *Unum ovile*, Joan. X : *Unum corpus*, Rom. XI : *Unam sponsam, unam amicam, unam columbam*, Cant. VI (1). Schisma autem scindit id, quod erat unum in partes, ut patet ex ipso nomine. Nam *σχίσμα* scindere est, et *σχίστης*, scissura : ergo schismatici non sunt in Ecclesia, nee de Ecclesia. Nam pars, scissa a corpore, non est amplius pars ejus corporis. Unde pulchre Cyprianus lib. de unit. Ecclesie dicit, Ecclesiam significari per vestem Christi inconsutilem, que scissa non fuit, ut intelligeremus Ecclesiam scindi posse, sed non eo modo, quo scinduntur veste, ita ut omnes partes æque manent partes vestis : sed quomodo scinditur ramus ab arbore, qui statim moritur, arbore vivente, et rarus a fonte, qui mox arexit, fonte fluente : et radius ab Sole, qui continuo deficit, Sole, ut erat permanente. Vel si contendas, partem scissam ab Ecclesia, esse etiam Ecclesiam quamdam, multas Ecclesias facies, quod est contra Scripturas paulo ante notatas.

Probatur secundo ex decreto Pelagii Patrie, qui ex professo probat, schismaticos non esse de Ecclesia, 24. q. 1. can. pudenda, et can. schisma. Accedit etiam testimonium totius Ecclesie, quæ in Paracevæ oratione pro hereticis, et schismaticis, ut eos Deus ad Ecclesiam Catholicam revocare dignetur. Quod certe non faceret, si eos in Ecclesia esse crederet. Huc etiam perficit testimonium Catechismi Romani, cuius non est exigua auctoritas in Ecclesia Dei. Disertis autem verbis Catechismus prædictus in explanatione Symboli Apostolici, schismaticos ab Ecclesia separat.

Probatur tertio ex Patribus, Irenæus lib. IV, c. 62, postquam dixerat in superioribus capitibus, virum spiritualem judicare omnes hereticos et schismaticos, et enumeraverat in particulari multas hereses, et subjunxit de schismate proprio dicto, concludit in summa : « Judicabit, inquit, omnes eos, qui sunt extra veritatem, id est, extra Ecclesiam. » S. Cyprianus lib. IV, epist. 9. ad Florentinum Papianum : « Ecclesia, inquit, est plebs sacerdoti adunata, et pastori suo

grex adhaerens, unde scire debes, Episcopum in Ecclesia esse, et Ecclesiam in Episcopo, et si qui cum Episcopo non sint, in Ecclesia non esse etc. » At certe schismatici cum Episcopo non sunt, igitur nec in Ecclesia sunt.

Chrysostomus hom. 3. in epist. 1. ad Corinthios : « Schismatis, inquit, significantia satis eos arguit, vel potius satis est ejus appellatio, que vehementer eam tangat. Non enim plures integræ partes factae sunt, sed una perit. Siquidem integræ Ecclesiæ multas eas constituerent. » Et homil. 41. in epist. ad Ephesios docet, schismaticos similes esse manus a corpore praecise, quæ mox desinit esse membrum : et ibidem dicit, schismaticos in altera esse Ecclesia, licet in fide et dogmatibus cum vera Christi Ecclesia consentiantur.

Hieronymus in cap. 1. Amos : « Schismatici, inquit, separant quidem deceptam multititudinem ab Ecclesia Dei ; tamen hoc non faciunt crudelitate, qua heretici etc. » Et in cap. III ad Tit. : « Inter hæresim, inquit, et schisma hoc interesse arbitramur, quod hæresis perversum dogma habeat : schisma propter Episcopalem dissensionem ab Ecclesia pariter separat. » Ubi nota illud : Propter, Augustinus lib. de Fide et Symbolo, cap. 10 : « Credimus, inquit, et sanctam Ecclesiam, utique Catholicam : nam et heretici, et schismatici congregations suas Ecclesias vocant : sed heretici de Deo falsa sentiendo ipsam fidem violant, schismatici autem dissensionibus iniquis a fraterna charitate dissiliunt, quamvis e credant, quæ credimus. Quapropter nec heretici pertinet ad Ecclesiam Catholicam, quoniam diligit Deum, nec schismaticus, quoniam diligit proximum. »

Optatus lib. I contra Parmenianum, de schismatis loquens : « Deserta, inquit, matre Catholica, impii filii dum foras excurrunt, et se separant, ut vos fecistis, a radice matris Ecclesie invidie falibus amputati, errando rebeller abscedunt. » Et lib. II comparat schismaticos cum ramis, rivilis, et radix precisis ab arbore, fonte, sole. Fulgentius de fide ad Petrum, cap. 38 et 39 : « Firmissime tene, inquit, et nullatenus dubites, non solum Paganos, sed etiam Judæos, hereticos, et schismaticos, qui extra Ecclesiam Catholicam, præsentem finiunt vitam,

(1) Joan. X, 1; Rom. XII, 5; Cantic. VI, 3 et 8.

in ignem æternum ituros. » Denique idem habent Thomas Waldensis to. 4. lib. II, cap.

9. doctrinalis fidei antique, Joannes Driedo 1. IV de Scripturis et dogmatibus Ecclesiasticis, cap. 2. part. 2. et alii ex recentioribus.

Probatur ultimo ratione ; nam de ratione Ecclesie est, ut sit una unione membrorum inter se, et cum suo capite ; hanc autem unionem schismaticus tollit, dum se a communione capitis, et aliorum membrorum separat. Quod autem unitas essentialis Ecclesia consistat in illa conjunctione membrorum inter se, et cum capite, probatur : Nam multiplex unitas inventitur in Ecclesia. Prima est unitas ratione ejusdem principi, id est, Dei vocantis, Joan. VI : *Nemo venit ad me etc.* (1) Secunda unitas ratione ejusdem ultimi finis, quod significatum est Matth. XX in illo uno denario omnibus operibus promisso. Tertia est ratione eorumdem medium, id est, Fidei, Sacramentorum, Legum, iuxta illud Ephes. IV : *Una Fides, unus Baptisma* (2). Quarta est ratione ejusdem Spiritus sancti, a quo tanquam externo et separato Rectoris universa Ecclesia gubernatur I. Cor. XII : *Divisions gratiarum sunt, idem autem Spiritus* (3). Quinta est ratione ejusdem capitis, tamquam interni, et conjuncti Rectoris ; omnis enim Ecclesia eidem Christo, et eis Vicario tanquam capite pare, Eph. I : *Ipsum dedit caput super omnem Ecclesiam*. Et Joannis ultimo : *Simon Petre, passus oves meas* (4). Sexta est ratione connexionis membrorum inter se, et præcipue cum capite, ut est principale membrorum, Roman. XII : *Unum corpus sunus, singuli autem alterius membra* (5).

Jam vero inter has unitates, illæ, quæ faciunt proprie Ecclesiam unam, sunt duæ ultimæ. Nam per primam, Ecclesia non tam est una, quam ex uno. Per secundam, non tam est una, quam ad unum. Per tertiam, non tam est una, quam per unum. Per quartam, non tam est una, quam sub uno. Per quintam et sextam, proprie est una, id est, unum corpus, unus populus, una societas. Schisma autem opponitur his unitatibus postremis ; tunc enim est schisma, quando unum membrum non vult amplius esse membrum illius corporis, nec sub illo capite ; quare tollit unitatem essentialiem, atque Ec-

(1) Joan. VI, 44. — (2) Eph. IV, 5. — (3) I. Cor. XII, 4. — (4) Eph. I, 22; Joan. XXI. — (5) Rom. XII, 5. — (6) Luc. X, 16.

clesiam ipsam. Schismaticus igitur non est de Ecclesia.

At oblicant primo, Ecclesia est Catholicorum congregatio, ut Papa Nicolaus definit de consecrat. dist. 4. can. Ecclesia : At schismatici sunt Catholici, igitur sunt de Ecclesia. Respondet primo, schismaticos etsi fidem Catholicam habeant, tamen non proprie dici Catholicos, nisi eam fidem in Ecclesia Catholica profiteantur, ut patet ex Augustino et Optato locis notatis. Secundo dico, non esse plenam definitionem Nicolai Papæ ; neque eum voluisse definire Ecclesiam, sed tantum excludere hereticos ab Ecclesia. Siue etiam Innocentius fecit, cum ait, Ecclesiam esse fidelium congregationem cap. Firmiter, de summa Trinitate et Fide Catholica.

Secundo objiciunt. Schismatici etsi nolint subesse Pontifici, tamen volunt subesse Christo summo capiti ; et licet nolint communicare huic Ecclesie, quæ est in terris, tamen volunt communicare Ecclesie, quæ est in celis, quæ est melior pars Ecclesie. Non igitur tollunt Ecclesie unitatem, nec sunt absolute extra Ecclesiam. Et confirmatur argumentum a simili. Nam si quis non vellet esse sub Episcopo suo particuliari, nec communicare cum Ecclesia particuliari, quæ sub illo Episcopo est, et tamen vellet esse sub Romano Pontifice, et communicare cum Ecclesia universalis, non posset dici esse extra Ecclesiam.

Respondet, neminem posse, etiam velit, subesse Christo, et communicare cum Ecclesia colesti, qui non subest Pontifici, et non communicat cum Ecclesia militante. Christus enim ait : *Qui vos audit, me audit*, Luce X (6). Et præterea, ut Christus est summum caput, quoad influxum interiorem ; ipse enim influit in sus membra sensum et motum, id est, fidem et charitatem : ita Papa in Ecclesia militante est summum caput, quoad influxum exteriorem doctrinae fidei et Sacramentorum. Ecclesia quoque triumphans unita est, imo potius una est cum militante, et proinde nemo potest velle separari ab una, quin separetur ab altera.

Ad confirmationem similiter respondeo,

eum, qui separat se ab Ecclesia et Episcopo

particuliari, necessario separariab Ecclesia et Episcopo universalis ; nisi forte ideo se ali-

quis separat ab Ecclesia et Episcopo particuliari, quod illa Ecclesia et ille Episcopus haeretici aut schismatis sint. Recte enim Cyprianus lib. IV, epist. 9: « Frustra, inquit, sibi blandiuntur hi, qui pacem cum Sacerdotibus Dei non habentes, obrepunt, et latenter apud quosdam communicare se credunt, cum Ecclesia, quae Catholica una est, scissa non sit, neque divisa, sed sit utique connexa, et cohaerentia sibi invicem Sacerdotum glutino copulata. »

## CAPUT VI.

## De excommunicatis.

De Excommunicatis, quod in Ecclesia non sunt, docent, Catechismus Romanus in explicatione Symboli; Thomas Waldensio I, lib. II, cap. 9. doctr. fid. antiquae; Joannes de Turrecrateria lib. I, cap. 3. Summa de Ecclesia; Joannes Driedo lib. IV, cap. 2, part. 2. de Scriptura et dogmatibus Ecclesiasticis, et alii nonnulli. Et probatur primo ex illo Matth. XVIII: *Si Ecclesiam non audierit, sit tibi sicut Ethnicus et Publicanus* (1). Ubi Dominus de excommunicatis loquitur secundum omnium expositionem. At Ethnici non sunt de Ecclesia. Item ex illo I. Cor. V: *Cur non magis luctum habuistis, ut tollatur de medio vestri, qui hoc opus fecit?* Et infra: *Nescitis, quia modicum fermentum totam massam corruptit?* Item: *Auferte malum ex vobismetipsis, etc.* (2). Quibus omnibus verbis describit Apostolus, quid sit excommunicari. Jubet enim excommunicari eum, qui uxorem patris sui habuerat.

Secundo, probatur ex Jure canonico, XI, q. 3. can. Canonica: *Canonica instituta, et sanctorum Patrum exempla sequentes, Ecclesiastiarum Dei violatores, auctoritate Dei et iudicio sancti Spiritus, a gremio sancte matris Ecclesie, et a consordio totius Christianitatis eliminamus.*

Tertio, ex Patribris, Eusebii lib. V hist. cap. 24. narrans, quemadmodum Victor Papa excommunicaverat omnes Asianos: « Litteras, inquit, mittit, quibus omnes simul absque discretione ab Ecclesiastico fe-

dere segregaret. » Et infra: « Irenaeus, inquit, Victorem arguit, quod non recte fecerit, abscedere a corporis unitate tot et tantas Ecclesias Dei. » Epiphanius haeres. 42. quae est Marcionis, loquens de Marcione, qui antequam esset haereticus, virginitatis professor erat, et tamen corrupti mulierem, quae virginitatem quoque profitebatur, et ideo a patre suo excommunicatus fuit: « A proprio, inquit, patre ab Ecclesia ejicitur. Erat enim pater ipsius propter excellentem pietatem illustris, et in Episcopatum ministerio honeste vivens perseverabat. »

Hilarius in cap. Matth. XVIII in illud: *Sit tibi sicut Ethnicus et Publicanus* (3), dicit Deum sic egisse cum populo Israel, ut Christus monet agendum. Primo enim corripuit populum inter se et ipsum solum, quando apparuit illis cum maiestate in monte Sinai. Secundo, adiubuit secum duos testes, id est, Legem et Prophetas. Tertio, dixit Ecclesie, id est, misit Christum summum Praesulem Ecclesie, qui Iudeos objurgaret. Ultimo, cum illi Ecclesie Praesulem non audirent, neglexit eos ac deseruit, ut Ethnicos et Publicanos. Quibus verbis ostendit, fieri sicut Ethnicum et Publicanum, quod fit per excommunicationem, esse, ejici de populo Dei, et non amplius a Deo gubernari peculari illa providentia, que gubernatur Ecclesia.

Chrysostomus et Theophylactus in hunc locum, exponunt, ejici de Ecclesia, que hic dicuntur, fieri ut Ethnicum et Publicanum, Hieronymus in cap. III ad Tit. dicit, alios peccatores per Episcoporum excommunicationem propelli extra Ecclesiam, quo per seipsum sponte eunt haeretici et schismatici. Augustinus lib. de unit. Ecclesie, cap. ult. dicit, excommunicari esse visibiliter praecidi a corpore Ecclesie. Item lib. de correptione et gratia cap. 45, dicit, per excommunicationem separari ab oibis sanis morbidam, ne per plures serpent dira contagia. Cifatur etiam ex Augustino hæc sententia, XI. q. 3. can. Omnis: « Omnis Christianus, qui a Sacerdotibus excommunicatur, Satana traditur. Quomodo? quia scilicet extra Ecclesiam Diabolus est, sicut in Ecclesia Christus. » Qui subscribit Anselmus, qui in cap. V, 1. ad Cor. dicit, tradere hominem Satane, esse per excommunicationem eum de Ecclesia expellere. Gregorius in primum versum Psal. V penitentialis inquit: « De hoc Spiritu non

(1) Math. XVIII, 17. — (2) I. Cor. V, 2, 6 et 12. — (3) Math. XVIII, 17.

## CAPUT VI.

## 325

vivit haereticus, non vivit schismaticus, non vivit excommunicatus, quia non sunt de corpore. »

Probatur ultimo ratione. Primo, per excommunicationem privantur homines omni commercio spirituali, quod habent homines Ecclesie inter se, ut docet Tertullianus in Apologetice, cap. 39, igitur non sunt amplius in cœtu Ecclesie. Quid enim est, civem aliquem privari civitate, nisi privari omni commercio, quod est inter homines illius civitatis? Secundo, excommunicatione eum locum habet in Ecclesia, quem pena mortis habebat in Testamento veteri, et quem habet in temporalibus Rebus publicis: at per mortem separantur homines plane a tota Republica. Augustinus q. 39. in Deuter.: « Hoe, inquit, nunc agit in Ecclesia excommunicatione, quod agebat tunc interficia. » Ubi confort, quod dicebatur Deuter. XXIV: *Auferte malum de medio tui, cum eo, quod dicit Apostolus I. Corinth. V: Auferte malum ex vobisipsis* (1). Tertio, nulla est pena gravior, quam Ecclesia infligere possit, excommunicatione, ut B. Augustinus docet lib. de correptione et gratia c. 45, ergo per excommunicationem ejicere homo de Ecclesia. Nam gravius est projici de Ecclesia, quam qualibet pena, que de manentibus in Ecclesia sumitur. Quartu, excommunicatione non potest ferri, nisi in contumaciam, ut B. Augustinus docet lib. de vera relig. c. 6. Et idem etiam omnes Theologi deducunt ex illo Matth. XVIII: *Si Ecclesiam non audierit, sit tibi velut Ethnicus et Publicanus* (2). Igitur excommunicatione est ejus de Ecclesia; si enim excommunicatione esset pena aliqua infra ejectionem, ferretur etiam quandoque in homicidas, adulteros, et alios facinorosos, licet non contumaces. Adde, quod cum absolventur excommunicati, dicitur: Resistit tu unitati Ecclesie, et membrorum participationi. » Quod signum est perspicuum, excommunicatum separatum fuisse ab Ecclesie unitate.

At contra objiciunt. Primo, potest homo excommunicatus refire Baptismum, fidei professionem, et subjectionem Praealtis legitimis, atque adeo esse amicus Dei, si nimis sit injuste excommunicatus; potest etiam juste excommunicatione poenitentiam agere, et habere illa tria antequam absolvatur; igitur in Ecclesia erit, etiam manens excommunicatus.

(1) Deut. XXIV, 7; I. Cor. V, 12. — (2) Math. XVIII, 17.

Respondeo, talem esse in Ecclesia animo, sive desiderio, quod sufficit illi ad salutem, non tamen esse corpore, sive externa communicatione, qua proprie facit hominem esse de Ecclesia ista visibili, qua est in terra. Augustinus lib. de vera religione c. 6: « Sæpe etiam sinit divina providentia expelli de congregatione Christiana etiam bonos viros. Quam contumeliam, vel injuriam suam cum patientissime pro Ecclesia pace tulerint, neque ullas novitates, vel schismatis, vel heres moliti fuerint, docebunt homines quam vero affectu, et quanta sinceritate charitatis Deo servientium sit. Hoc coronat in occulto Pater in occulte videntes. »

Secundo objiciunt, quia Augustinus lib. contra Donatistas, post collationem cap. 20. dicit: « Neque enim a populo Dei separamus, quos vel degradando, vel excommunicando ad humiliorem penitendo locum redimus. »

Respondeo, suspicor locum esse corruptum, et sic legendum esse: Neque enim a populo Dei non separamus. Nam statim sequitur: « Et ubi hoc facere, pacis et tranquillitatis Ecclesia gratia non permititur, non tamen ideo Ecclesiam negligimus, sed toleramus quae volumus, ut perveniamus quo volumus, uientes cautela precepit Domini, ne cum voluerimus ante tempus colligere zizania, simul eradicemus et triticum. » Quod si locus hic non sit corruptus, responderi potest, per populum Dei hoc loco non intelligi solam Ecclesiam militantem, sed absolute numerum omnium salvandorum, sive sint in Ecclesia, sive esse possint. Non enim per excommunicationem intendunt Pastores separare homines a numero salvandorum, sed potius ea correptione juvare eorum salutem.

Tertio, excommunicatione est medicina quandam spiritualis instituta in utilitatem eorum, qui excommunicantur. Unde Apostolus II ad Thessal. ult. ait: « Quod si quis non obedit verbo nostro per epistolam, hunc notate, et ne commisceamini cum illo, ut confundatur, et nolite quasi inimicum existimare, sed corripite, ut fratrem. »

Respondeo, excommunicatione etiam si abscondit hominem ab Ecclesia, tamen non auctor potest, ut non possit iterum inseri in Ecclesiam is, qui praecisus est, si poenitentiam agere velit. Idecirco Ecclesia per ex-

communicationem separat quosdam a suo corpore, sed in utilitatem eorum, quia cupit eos illa confusione humiliari, et humiliatos iterum in suum corpus recipere.

## CAPUT VII.

## De predestinatis.

Jam vero, quod non soli predestinati, sed etiam reprobri ad Ecclesiam pertinere possint, contra Wiclefum, et Huss, et Calvinum, probatur primo ex parabolis Evangelicis apertissimis. Comparatur enim Ecclesia Matth. III areae : « Perundabat, inquit, aream suam, et congregabat triticum in horreum suum, paleas autem comburebat ligna ine X. certe nomine areae non potest intelligi, nisi Ecclesia, in qua tamen inveniuntur paleae, quae si comburentur igne inextingibili, certe non significant electos. Item Matth. XIII comparatur sagena missa in mare, ex omni genere piscium congreganti, quorum tandem aliqui mittuntur in caminum ignis, qui certe non erant de predestinatis.

Item Matth. XXII comparatur convivio nuptiali, ad quod intraverunt boni et mali, et postea malo non habentes vestem nuptialem, proiciuntur in tenebras extiores, et ideo concludit Dominus : *Muli sunt vocati, pauci vero electi* (1); id est, multi sunt in Ecclesia, que est evocatio quadam, sive cotta vocatorum, qui tamen non sunt de electis. Item Matth. XXV comparatur decem virginibus quarum quinque prudentes intrabunt in die iudicii cum sposo ad nuptias, quinque fatus excludentur. Et ibidem comparatur ovili, in quo sunt oves et hodi; et illae, Domino ipso explicante, significant electos; isti reprobos. Prima ad Corinth. V Paulus jubel expelli de Ecclesia incestuosum, et tamen non poterat illum facere reprobum ex predestinato, imo nec volebat; nam ejicit illum, ut humiliatus rediret, et salvis fieret in die Domini, ut ibidem dicitur. Item II. Timoth. II : *In magna autem domo sunt vasa aurea, et argentea, et lignea, et fictilia, quædam in gloriam, et quædam in contumeliam* (2).

Accedat quoque ratio; nam si sola predestinationis facit hominem esse de Ecclesia,

Nec dubium esse videtur, quin vasa in gloriam sint electi, vasa in contumeliam reprobi, etiam in eadem domo sint.

Confirmatur hoc idem ex Cypriano I. III, epist. 3, et lib. IV, epist. 2, qui apertissime docet, in eadem Ecclesia esse triticum, et zizania, et vasa aurea, et lignea, cum certum sit, zizania comburenda, et lignea vasa esse in contumeliam. Item ex Augustino, qui tract. 43. in Joan. : « Secundum præscientiam, inquit, et prædestinationem, quam multa oves foris, quam multi lupi intus? » Ubi prædestinatis multis dicit esse extra Ecclesiam, et reprobos multis intra Ecclesiam, quod idem repetit lib. II cont. Crescon. cap. 34.

Accedant præterea exempla Pauli et Iudea. Nam Joannes Huss dicebat, Paulum semper fuisse de Ecclesia, Judam nunquam fuisse de Ecclesia. Ipse autem Paulus I. Tim. I; ad Galat. I. et I. Corinth. XV affirmit, se persecutum esse Ecclesiam Dei, et idem de eo affirmit Luc. Act. IX. Quero igitur, vel illa Ecclesia, quam Paulus persecutatur, erat vera Dei Ecclesia, vel non: si vera, igitur Paulus aliquando non fuit membrum vera Ecclesia. Quomodo enim erat de illa Ecclesia, quam totis viribus oppugnabat? Si non erat illa vera Ecclesia, ergo mentiuntur Paulus et Lucas, cum eam absolute Dei Ecclesiæ vocant.

Quare B. Augustinus serm. 1. de conversione S. Pauli, recte docet, Paulum, licet prædestinatum, prius fuisse lupum, deinde ovem. Et Chrysostomus hom. 6. in II. ad Timoth. dicit, Paulum fuisse vas fictile, sed esse versum in aureum; et Judam fuisse vas aureum, sed conversum in fictile. Porro Judam reprobos erat, ut patet ex Actis Apostolorum primo, et tamen de vera Ecclesia aliquando fuit; nam, ut dicitur ibidem, fuit Apostolus ex duodecim, et Episcopus vocatus a David Propheta Psalm. CVIII, quæ non possunt esse vera, nisi aliquando de Ecclesia fuerit. Unde Augustinus in Psal. III dicit, Judam filium Christi fuisse, et tamen persecutam esse patrem suum, quonodo Absalon persecutatur Davidem. Et lib. de unitate Ecclesie cap. 13. dicit, Judam in Ecclesia fuisse, in qua erant ceteri Apostoli.

Probatur ultimo ex incommodis; nam si soli predestinati essent de Ecclesia, omnia essent incerta. Nam nemo tunc cognoscet fratres suos, nec ab illis cognoscerentur: cum nemo sciat qui sint predestinati. Et præterea nemo sciret, quæ sint veræ Scripturae, quæ vera Sacra menta, quæ vera fides etc. omnia enim pendent ex testimonio vera Ecclesie.

(1) Matth. XXII, 14. — (2) II Tim. II, 20.

## CAPUT VII.

At contra objiciunt, primo, illud Cant. IV: *Horus conclusus, fons signatus, puteus aquæ viventis etc.* (3) que sine dubio dicuntur de Ecclesia; et tamen exponit Augustinus illa omnia de solis electis lib. V de baptismo cap. 27.

Respondeo primo, sæpe Scripturam per figuram intellectionis attribuere aliquid toti, quod solum convenit parti: sicut Matth. XXVII dicuntur latrones, qui erant cum Domino crucifixi, blasphemasse contra eum, cum tamen constet ex Luc. XXIII unum tantum eorum blasphemasse. Philipp. II: *Omnis qua sua sunt querunt* (4). Et tamen tales non erant permulti sancti, qui tunc vivebant, et præcipue Philippienses. Secundo dico, quæ dicuntur in Canticis de sponsa, non necessario intelligenda esse de Ecclesia. Quidam enim ea intelligunt de Ecclesia, quidam de B. Virgine, quidam de qualibet anima perfecta, quod probabilius videtur, nam cap. VI dicitur: *Sezoginta sunt reginae, et octoginta concubinae, et adolescentularum non est numerus. Una est columba mea, perfecta mea, una est matris sua, electa genitrici sua* (5). Quo loco si per unicam illam sponsam intelligat Ecclesiam, quid intelliges per reginas, concubinas, et adolescentulas, quas omnes foveat sponsus et diligit? Igitur per matrem intelligitur Ecclesia, per reginas, concubinas, et adolescentulas intelliguntur animæ imperfectiores, fideles tamen et honesti. Dicuntur enim cap. 1: *Proptere adolescentulae dilexerunt te.* At per unicaen, perfectam, sponsam, et columbam intelliguntur animæ perfecta. Sic etiam in eo quod dicitur cap. II: *Sicut lilium inter spinas, si anima mea inter filias* (6). Si per amicam intelligas Ecclesiam, quid intelliges per ceteras filias? num congregationem infidelium? Absit. Loquitur igitur de anima perfecta, quæ inter multas peccatrices in eodem horto Ecclesie commoratur. Augustinus epist. 48: « Dicuntur, inquit, spina propter malignitatem morum, dicuntur filiae propter communionem Sacramentorum. »

Argumentum secundum. Area Noe figura fuit Ecclesiæ, ut Augustinus docet lib. V de Baptismo c. ult. at in Arca non fuerunt nisi qui salvandi erant exquis, ergo in Ecclesia non sunt nisi predestinati.

Respondeo, similitudines non in omnibus

(1) Rom. VIII, 9. — (2) I. Cor. XII, 13; Galat. III, 26 et 27. — (3) Cantic. IV, 12. — (4) Philipp. II, 21. — (5) Cantic. VI, 7 et 8. — (6) Cantic. I, 2; II, 2.